

## Universitätsbibliothek Paderborn

### **Asiaticae Historiae Societatis Iesv Pars ...**

Libris Qvatvor Comprehensa: Vbi praeter res gestas à Patribus Societatis Iesv in conuersione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

**Bartoli, Daniello**

**Lvgdvni, 1670**

96. Regis edictum contra Christ. à concub. falsa ex causa expr.

**urn:nbn:de:hbz:466:1-10757**

repente cogitur in aulam reverti, ad inhibendum si posset edicti furor rem Christianitati exitiabilis, & tam præcipitis ut eius ante sentiretur fulmen quam audiretur fragor.

Checum egressis, occurunt pagi aliquo numero propè contigui, quos iure beneficiario Rex Sanfuæ dederat, Concubinas inter, vnicè sibi caræ, sed Bonziorum & dæmonum magisterio duplice sceleratissimæ, & quod consequens erat, legem Christianam implacabiliter exosæ. Contigit autem ut ethnicus, sed mentis emotæ subiret in templum quod præcipuo in pago ædificauerat Sanfuæ sanè magnificum, & sapiens facinus dictante stultitia auderet, caput & brachia idolo confringens Sanfuæ maximè venerando; consternati, ut primum illuxit Bonzij ad tantum nefas in aulam certatum procurrere, denuntiæ crimen dominae suæ Sanfuæ iam per se prioritæ, & furia futias subdere; illa cursu pariter ad Regem, querelas deponere, dolere, lamentari, Christianorum audaciam ante omnia indignati quos nec Regis maiestas, nec Deorum in officio contineret; pusilli Rex animi, & eius amore perditus, consolabilem non putauit nisi proscriptione legis Christianæ, quam impiissima femina postulabat; quate iussis coram Bonziorum primariis adesse, & queri que vellent, indictam causam, inconsulto & præcipitato edicto in hæc verba damnauit. [ Nos Regni Annam Dominus Tandouang, subiectos nobis populos volvimus nostro huic parere rescripto, cuius executionem, iudicium nostrorum præfectis iniungimus, ut toto illud regno promulgent, & promulgandum curent. Cum ad nos perlatum fuerit, quosdam falsam doctrinam condiscere, & legem profiteri, virute omni cassam, peruersam, mendacem, fraudulentam, eoque audaciæ progredi, ut simulachra in templis indignè dehonestent; vetamus quenquam in posterum; quantuscumque sit, legem illam publicè, aut priuatim, verbis, aut operi profiteri; ad hæc vilium sectæ huiusmodi, pedem in templo immittere, & loca idolorum cultui dicata; qui secus faxit, potestatem facimus præsenti euilibet iniciendi in illum manus, fistendique nobis reum impudentem; id qui præstiterit eius strenuam fidem sequetur præmium gradus alicuius etiam Mandarini, ut solet qui bello fortiter aliquid gesserint. Datum decima Luna decimo septimo, anni Ciam ] hoc est duodecimmo Nouemb. anno 1632. hoc tamen Rescripto, creditur voluisse expressione legis Christianæ idè abstinere, ne Lusitanos offenderet, quos nihilominus amicos cupiebat. Porro cùm sit & Sinis, & Tunchinensis tam apta locorum, & Magistratum ex superioribus articulatio, ut quicquid Rex iusslerit, nulquam omnino ignoretur, brevi ubique probrosi edicti apographa lecta sunt; sed edicti metas prætergressa insaniens Sanfuæ, parum habuit præesse executioni, pagis suis in futurum cauenti, nisi vlciseceretur illatam, ut putabat à Christians iniuriam. Ad hoc, armorum Mandarinum nacta clientem suum, tempori suo idoneum, ingenio peiore, immisit illum ad cladem insontium.

96  
Regis edi-  
ctum contra  
Christ. à  
concup. falsa  
ex causa ex-

sontium, Adest globo cinctus hominum perditorum, qui essent cum eo milites, prædones, & carnifices acturi. Verso ille in templum dito quod erat amplitudine, & ornato præstans, signum dat impis, concurrent, euertunt, solo æquant, materiam aliò transferunt ad construendum idolo fanum; leuior fuit furenti mulierculæ, Dei sui violati hæc vltio; Saluatoris effigiem quam statuerant in altari Patres, idcirco habuit cariorem quod eius vltione, discruciatura esset Christianos; sacra æde destructa, Catechistæ facellum complanatur; priuatum ex ædibus sacrum omne direptum & comportatum in aggerem igni absumitur, ac ne quod pietatis, nendum religionis vestigium restaret super, nosocomium etiam crudelis incendit Mandarinus, ciuitibus miseris, seque inde humi trahentibus ne eodem incendio arderent. Post hæc verso furore ad vexandos, quos iam expilauerat Christianos grandem illic mulètam, & imparem viribus indixit; tunc sparsit in vulgus, velle se illos omnino desertores, aut mortuos, ostentauitque terribilimentum stragis quam esset cruentam editus; eorum viginti coram iussos, produci, argumentis, precibus & minis tentatos cum præstolaretur, responsione timida sibi assensuros, prodiit matrona omnium nomine; de sanctitate legis Christianæ, & Christianorum qui eam tenerent, tanta sui animi voluptate, tanto Mandarini cruciati, & tædio dixit, ut is loquentem interpellans, deliram vocaret, & mente captam, minareturque se linguam illam, corque ipsum ei ab radibus euulsurum; cui sedatè illa, fiat id modò, inquit, carnificem expecto immobilis; at is minando potentior quæns agendo, noui negoti specie omnes à se abegit, distulitque in alium diem.

Dùm Christiana res in pagis Sanfuæ immanni barbarie iactatur, nobis ex regio edicto, ipsisque sub Regis oculis quanquam plane ignata, ruinæ metus incubuit, armatorum turba, magno vt vsus est strepitu, domum nostram intrat; qui primùm occurrerit Bernardino Regio lictor arcuatum lignum, iugo haud multum absumile, in collum iniicit, aicis Regis nomine illum capi; quo ille nuntio, respondet, nihil sibi venire optatius, & retortas vltro in tergum manus præbet militi ligandas, quem fune instructum aduerterat. Christiani ad hæc qui bono numero aderant, exclamare, expostulare indignitatem facti, vimque ad Patrem liberandum patere, sed eos increpitans & obiurgans amouit, eductus que domo in publicum illic detentus est, dùm ad eius pedes quicquid domi erat profanum, sacram congeritur. Currit ad tumultum, & famam populus, Christiani, ethnici, multitudo ingens; occasione, auditorio, & ardore vsus quo nunquam maiorem senserat, in arcam quæ illic deposita fuerat loco pulpiti scandit, de necessitate legis Christi, & felicitate pro Christo moriendi magna vi detonat, eumque is accentus non satis haberet expeditos, & erant quæ dicebat supremi ad salutem momenti, exceptias ab eo sententiæ, nunc ille, nunc aliis auditori, explicatius repetebat, vestem, pedes, vincula osculis premebant alij,

alij, beatum appellantes, qui martyrij decus ( sic fore statuerant ) per tot quæscum maria denique inuenisset. His Amaralius dum foris redit, mirari primum reiunctis in dorsum manibus Regium, custodia septum militari; tunc se magno animo Ministris offerre, ut se cum Regio pariter ligatum in partem honoris adsciscerent, cunctis demum abnuentibus, & ipse ex edito astari populum, & de gloria vinculorum, pœnatum, & ignominiae magnifice dicere, quorum crimen non esset aliud nisi vita & salus, immensis periculis, & itineribus regno importata & communicata cum populis longè ab ea errantibus, qua dūm incitato feruore sequitur inculcare, voce procul sublata, ex aula nuntius, auditores aduertit, & iubet Rex inquit, nihil à Patribus auferri, si quid fuerit ablatum restituī, & iis pro sua clementia ignoscit. Ignoscit nempe resumit Amaralius clara voce, hæc vero est gratia, sed quam necessario præcedit culpa; cuius autem nos culpæ rei, nisi quod sanctam & veram Dei legem populo denuntiasimus: hanc certè ob causam vel ipsum moti, gratia summa est, qua nos utinam dignetur Deus; Regi quæso sistamus, ut qui culpæ veniam largitur, doceat, & culpam. Proutidè omnino, Amaralius ne oblata palam, & admissa taciti criminis venia, enormia quælibet Bonzij fingerent qua Rex nobis clementer ignouisset; Regius vero ab suis custodibus, multis precibus exorauit, ut se median per urbem, quæ vici maximè populo feruebant ducerent, ad captanda plebis conuitia, & contumelias Bonziorum. Recreabat se Rex equorum spectaculo, quo explorabatur eorum velocitas; ubi cōventum, sistit se coram Amaralius, & modestè quidem, ac demissè, sed tamen liberè, quærit ex eo quod nostrum ob scelus apparatores domum immisisset, qui eam in vicum publicum effunderent, & P. Regium quem præsentem cernebat, ligarent? percusus facto improviso, attutusque Rex mirari, dolere, culpam in alios quos nesciebat reiicere, idque suo iniussu, & se inscio proflus aiebat attentasse. Patrem imperat solui, utrumque ab se humanissimè dimittit; milites seu eris cognitoribus traditos cum parum se purgarent, aliquot mensium carceri, pœnisque non lenibus addicit, nec vila Patrum intercessione ab iis absoluī potuere. Biduo post præco, urbis compita peruidens devuntiam magna voce, religionis causa factum iri negotium nemini; qua inductione restincta est rabies Bonziorum, occasionem irati Regis caprantium ad lanienam illius Christianitatis ad quam Mandarinos incendere cooperant. Non multum inde temporis fluxerat, & is qui se celestissimæ Sanfuæ idolum confregerat, stultus, & cerebro vacuus compareret, rem gestam sermonibus iactari audiens, auctorem se illius iterum, tertio, læpius apud omnes non modo intrepidè fatetur, verum etiam gloriatur, nec fuit in potestate Bonziorum in eius caput defigere, ut sui illius quo se ostentabat præclarri facinoris gloriam cum Christianis partetur. Existimauere Patres confessionem hanc adeo manifestam, & liquidam nou minus ponderis apud Regem ad absoluendos insontes.

L L I I .

habituram, quam habuisset ad eos damnandos cæca, & maligna calumnia; sed noluit errasse barbarus, nec præceps edictum, noua levitate abrogare. Libellum quidem paucis inde diebus, ab iis comitè accepit, quo fanætimoniam legis Christianæ tuebantur, eius edicto falsi, mendacij, & nullius virtutis infamatam; sed rescitum deinde, interiectios ab eo repositum; responsi quidem nihil unquam retulit.

Procellosum hunc annum tricesimum tertium Christianis fecit, præua passim edicto. Regio à Mandarinis affecta interpretatio. Quin ne ipsa quoque in aula licuit tranquillo diu frui, ubi Rex ateo quam ethnico propior, sua in Christi fidem odia, & amorem moderabatur ex proprio lucro. Nihilo secius eo indignante, & edicti eius factilegi fuisoribus inferis, septem millia sexcenti quinquaginta duo, ab idolis ad Christum hoc anno accesseré, & baptizatis accensi sunt, quām multos tam brevi tempore superiores anni non videranr. Auxēte præterea Christi gregem ingenti numero, in Prouincia Engeana, Maiorica; in Tignoa Fontes, uterque non sine præmio, carceris scilicet, in quem coniecti sunt, quod disseminalent ubique sanctam Christi legem, quanquam Regis edicto vetitam. Ac Fontes quidem quartu-  
duo tantum illic egit, Maiorica grauibus quadrimestri toto attitus incommidis, inde sex menses ægrotus iacuit, nec alio magis remedio quām patientia est curatus. Aedes sacrae complures fisco addictæ sunt, sed à Mandarinis superioribus postea redditæ. Trium quæ erant in urbe regia, maximè insignis, capax, & splendida, factilegio immani in publicum stabulum versa est, quare in singulas urbis regiones designata sunt singulæ aedes amplæ, quarum pars fidelibus pro templo esset. Cœterum in hoc malorum turbido, ubique fortes, ubique debiles, sed eorum supersedeo casibus, ut similium tedium deuitem. Nauis quidem Macao aduecta eodem qui ante biennium venerat Antunesio Praefecto spem magnam fecerat, cupidissimi Regis gratiarē reparandæ; at quanto latior, tanto dolor sequens acerbior. Lex erat ut quæcumque nauis ad mercaturam appelleret, mercium indicem quas ferebat accuratissimè initum, Ministri Regis ad eum deferret, ipse sibi eximia quæque, quibusvis conditionibus vi aut vili optaret. Vexerat autem Antunesij nauis rerum sacrarum ingentem copiam, libros, reliquiarum thecas, imagines, crucis icusculas, precatorios globulos, & his similia, quæ Neophytorum alenda pietati mittebant Patres Macaenses, quod eos audirent magno quotidie numero augeri, & verò annus tricesimus quartus decem ferè millia iis adiecit, nec ullus erat inter Neophytorum qui non aliqua saltē pia imagine donaretur. Ex hac rerum sacrarum immensa copia, argumentatus Rex Christianorum in Regno numerum, hæsit aliquamdiu cogitatundus, & cernuus, concepitque insanum consilium propagationis illorum inhibendæ, quæcumque in naui sacrum aliquid redolerent, imperat ad se quamprimum deferrit, & producebatur ignis, iis in cinerem redigendis, cum multis precibus

vix

vix tandem Patres nefas auerterunt ; omnia confertim subet coram in  
capsam ingentem congeri , clausamque diligenter , & picatam tradit  
Eunuchorum fidissimo afferuandam , quoad Antunesius ad redditum sol-  
ueret , tunc verò illi explicatis iam velis reddendam , vt ea Macauum  
referretur . Ornamenta sacrificatiū & altarium , vel nimis displicue-  
rint ut facta , vel nimis placuerint ut pulchra , sibi retinuit ; & quod la-  
trocinium euidens , priuati commodi facto neglegetu contegeret , viles  
aliquot è serico vestes ad Patres remisit , & monetæ non nihil pro li-  
bris Sinensibus , & Europæis quos sibi patiter vindicauit . Sed eius  
ingratiis Neophytorum nemo pia imagine caruit , altera Salvatoris ,  
Deiparæ altera , quibus facillum ornaret domesticum : utriusque archetypum  
ligno incidit Bernardinus Regius , quod infinitis impressum  
aut cartis , aut sericis sacras imagines abunde omnibus suffecit . Nunc  
ad prospera nostra in Sinas redeamus , & iis contiguum annum 1634.  
quorum pars maximè illustris cum Vagnonio maxime debeat , æquum  
est hanc laudem ei confirmari testimonio Furtadi Inspectoris ad Genera-  
Vittelleschum . [Inspectis , Inquit , nouem Provinciis in quibus viginti  
tres ex nostris Europæis Sacerdotes , fratres Sinæ tres , duodecim statio-  
nibus diuiduntur omnes comperti desiderio salutis alienæ , & propriæ  
virtutis ardere . Sed recreantur me præcipue Vagnonius , & Longo-  
bardus septuagenario veterque maior , actuosis quadagenario ; Lon-  
gobardus Pechini , Vagnonius in Provincia Sciansi ubi multa Christo  
animatum peperit millia , sparsa in urbes quinque aut sex , & pagos  
supra quinquaginta : bis omnes quotannis revisit , & vitam agit in  
motu perpetuo ; si quem diem naclus est quietum , scribendis libellis  
ad conuersionem ethnicorum insumit . Huic labore egregio non impat  
Longobardus , non Christianis modo Pechini excolendis , quorum est  
maxima ea in urbe multitudo , sed excursionibus etiam longinquis  
dierum subinde sex aut decem dat operam . Eundem quoque in aliis no-  
taui spiritus ardorem , sed horum duorum in tam graui , & exercita  
estate labor indecessus fecit illos mihi præ ceteris memoratu dignos .] Sic ad Vittelleschum scribebat Furtadus : & Longobardi quidem li-  
benter hic nemini , rùm ad laudem ipsius virtutis , rùm ad commen-  
dationem præmij quo illam rarissimo in Societate , & extra ordinem  
remuneratus est Generalis , iusto quidem , & merito , sed nec petenti  
nec roganti concesso . Eius enim mandato Decembri mense anni 1617.  
ad professionem votorum quatuor est promotus , annis decem & octo  
postquam erat formatus in spiritualibus adiutor . Scripturæ Sinensis ,  
& linguae peritia , perspecta diu virtus , Apostolici labores & perpe-  
tiones , id illi iure honorarium acciuere . Nunc ad Vagnonij operosos  
questus veniamus à quibus nihil virum constantem , & solidum dimo-  
vit , cuiusdam alterius vile , & philautia cæcum iudicium qui eum li-  
tetis inconsultis Generali descripsit illa indignum missione , & quem  
nihil proprius fuerat quam ut Macauum renocaret ; adeo illum pupu-

. L L II . 2.

gerat Vagnonij firmitas qui certa linguae Sinensis peritiae fretus, eius de Scianti, & Tienciu vocibus decreto obliterat (de quibus prolixè superius) at enim fixo in Deum oculo, & constans in munere Apostolice missionis Vagnonius bis mille octingentos & septuaginta hoc anno abluit; ex perpessionebus ætumnosis & itineribus hibernis ita ægrotauit, vt miraculo creditus sit Christianorum precibus donatus, totum enim illud quo periclitatus est bimestre, orando, vovendo, flendo, priuatim, & publicè, cruciandisque afflictione spontanea seipso perinde traduxerunt, vt si forte quisque de parente in extremis polito anceps, & anxius: & verò quantus Vagnonij esset, & paterno maior erga omnes, etiam ethnicos, maximèque abiectos, & miliros amor, annus hic ostendit tricessimus quartus quo nullus ab ævo Sciani Provinciam calamitosius, & funestius deuastauit; stetit menses octo tristi sereno obfirmatum sine nube, & pluia cœlum; sementis è terra ne pilis quidem geminavit; hinc lamentabilis annonæ labor, hinc famæ si vñquam aliâs crudelis, exemplisque barbaris horrenda. In plebe potissimum egena, infinita, opere in diem, rogato, & furto viuere asperua; consumptis arborum frondibus, mandi cortices, & ligna quamvis exsucca & arida; milij purgamenta, & siliquæ simul teri, & in panes coacta ad solem excoqui. Famis denique rabies incadavera hominum semiputrida inuolare, & mortuis vesci. Dicam mox de incendiis, & graffatoribus quos suprema egestas in exercitum conflata; horum interea complutes quotidie ab iudicibus comprehensos, & viuos clavis in terram confixos circumstebat turba famelica; culris acutissimis in postremum halitum intenta, statimque in membra, in viscera, in caput inuadere, profecare, rapere, manantia tabo & sanguine vorare; cuius lanient viros quoque honestos partem sibi tulisse F. Manuel Gomez vidit. Execrabilis illud de matre, & filia que deprehensa sunt infantem membratim lacerare, sibique parare in epulas. Hunc tormentis subiectæ fallæ sunt esse quartum supra tricessimum, quos aut furto sublatos, aut expositos, fami suæ mactassent. Chiancco tota, ignominiosè raptatae sunt, suspensa, confixa iaculis, & famelicis post mortem in eicam proiectæ. Crescente interea immensum cadentium numero, vibique sepeliendis iam impari, folle quatuor ingentes extra muros apertæ sunt, & tracta vncis in eas cadaueræ, quoad ad summum implentur. In communi hac strage, infantes, & pueros excepti fors leuior ne dicam felicior; exponebantur primùm à matribus, ne coram cernerent morientes, inter voces postremas cibum poscentium, quem dare non poterant; fuere que viuos defoderent, ne voracitati eos obiicerent; fuit parens, & mater qui suo, & cari filiolij desperato victu, misere illum in amnem, sepeliendum aquis, & idre post illum præcipites; diuersis oculis insontem, & reos diuina æquitas respexit; hi fluvio obruti perierunt; ille innatans aquis, receptus,

97.  
Fames hor-  
reda & cha-  
rismas Christ.